

ATENTATUA ANDOAINEN. Alkateak atentatua gaitzetsi ez zuelako zentsura mozioa aurkezteko saioa egin zuen atzo PSE-EEK. Aurrera ateratzeko, EAJ-EAren botoak behar zituen; aurkako «jarrera bortitzagatik» ezetza eman diote zentsura mozioari.

PSEren mozioa ez dute onartu EAJk eta EAk, atentatuaren ardura egotzi dielako

PSE-EEko eta PPko ordezkariak hitz gogorak izan dituzte EAJ eta EAren aurka atentatuaren ondoren

Erredakzioa | **DONOSTIA**

EAJ-EA koalizioak ez du onartuko Batasuneko alkatearen aurka PSE-EEK Andoaingo Udalean aurkeztutako zentsura mozioa, «atentatuaren erantzule eta konplize» direla egotzi dietelako PSE-EEko eta PPko hainbat ordezkariak.

PSE-EEK ezinbestean behar zuen EAJ-EAren aldeko boza, zentsura mozioa aurrera ateratzeko. Udal horrek dituen 17 zinegotzietatik 9ren botoak behar zituzten gehiengo osoa lortzeko; PSE-EE eta PPren artean 7 osatzen dituzte, eta EAJ-EAk, aldiz, 5 dituzte.

Zentsura mozioa atzo goize-

an aurkeztu zioten Andoaingo PSE-EEko lau zinegotzik EAJk dituen hiru zinegotzietatik biri: Mikel Arregiri eta Iñaki Egibarrri. Estanislao Amutxastegi Andoaingo PSE-EEko idazkari nagusi eta zinegotziak zentsura mozioaren arrazoiak azaldu zituen EAJko zinegotziei. Zentsura mozioak zioenez, helburua

Andoaingo Udalean «duintasuna berreskuratzea» zen. PSE-EEren zentsura mozioan jasotzen zenez, Jose Antonio Perez Gabarain proposatzen zen alkategai, Jose Antonio Barandiaran Andoaingo egungo alkatearen atzetik boto gehien jaso zuen hautagaia, hain zuzen ere.

EAJko zein EAKo hainbat ele-

dunek zentsura mozioaren aurkako iritzia azaldu zuten. Iñaki Galdos EAKo Gipuzkoako presidenteak esan zuen bere alderdia beti egon dela hitz egiteko prest, baina PSE-EEK eta PPk daukaten jarrerarekin ezinezkoa iruditzen zaio elkarlana.

Ezezkua telefonoz

Amutxastegik adierazi zuenez, Mikel Arregi EAJko zinegotziak atzo arratsaldean telefonoz jakinarazi zion zentsura mozioa ez zutela onartuko. Arregik esan zuenez, «Andoain pairatzen ari den egoeraren erantzule egiten ari dira PSE eta PP alderdi nazionalista», eta hori «onargaitza» delako eman zion ezezkua zentsura mozioari.

Amutxastegik etsipenez hartu zuen berria. EAJren erantzuna hori izango zela pentsatu arren, itxaropen izpi bat ere bazuela esan zuen. «Herriak duen egoera ikusita, alderdiko zuzendaritzak ez zuela eraginik izango espero nuen», adierazi zuen Amutxastegik.

Andoaingo alderdi sozialistak prentsa ohar batean jakinarazi zuenez, EAJ-EAren argudioak ez die balio. «Ezinegona areagotuko dela esaten dute. Ezinegona Batasuna haserraraz daitekeenean bakarrik dago EAJ-EArentzat; ez, aldiz, sozialista bat erailtzen dutenean», dio oharak. Era berean, Andoaingo EAJ-EAren autonomia falta salatu du. Alderdien zuzendaritzek herriko errealitatea kontuan izan gabe erabaki dutela esan zion Andoaingo EAJko eta EAKo zinegotziei.

Manuel Huertas Gipuzkoako PSE-EEko idazkari nagusiak, berriz, astelehen gauean EAJko zinegotziekin hainbat elkarrizketa izan zituela eta zentsura mozioaren alde zeudela jakinarazi ziotela esan zuen.

Alabaina, Juan Mari Juaristi EAJko Gipuzkoa Buru Batzarreko presidenteak onetsi egin zuen Andoaingo EAJren erabakia. PP eta PSOE euskal nazionalismoaren aurka egiten ari diren kanpaina gogorra salatu zuen, «EAJ bihurtu delako



JUAN HERRERO / EFE

Andoaingo PSE-EEko zinegotziak, ezkerretik eskuinera, Fernando Narciso, Estanislao Amutxastegi eta Jose Luis Vela.

Jaurlaritzak uste du «indarkeria babesten duen inguru soziologikoa ahuldu» behar dela

Eduarne Begiristain | **GASTEIZ**

Josu Jon Imaz Eusko Jaurlaritzako bozeramailearen irudiko, alderdi politikoen helburuak bakea lortzea eta «indarkeria babesten dutenak «ahultzea» izan behar du, eta ezker abertzaleko alkateen kontrako zentsura mozioek kontrakoa lortzen dute. Hartara, «indarkeria babesten duen inguru soziologikoa ahultzea» helburu duten neurriak hartu

behar direla iritzi dio. Duela zortzi bat urte ezker abertzaleko alkateen aurka gisa horretako neurriak hartu zirela baina «mundu horren indartzea» baino ez zutela eragin gogorazi zuen atzo Imazek.

EAEk Gobernuak eledunak gobernu bileraren osteko prentsaurrekoan egin zituen adierazpenok, azken atentatuaren ondoren Andoaingo Udalean sortutako polemikaren harira. Alkate abertzaleen

aurkako zentsura mozioak aurkeztea alderdi politikoen eskuetan egon behar duela iritzi zion Imazek, baina beti ere bi faktore kontuan hartuta: «batetik, indarkeriarekin bukatzea eta bakea lortzea, eta bestetik biolentzia babesten duten guneak ahultzea». Ildo horretan hiritarrei dei egin zion datozen udal eta foru hauteskundeetan «inguru soziologikoa» horiek indargabetzen laguntzeko.

Bestalde, Pagazaurtundua- ren hilketaren harira Eusko Jaurlaritzaren kontra egin diren kritikei erantzun zion Imazek. Jaurlaritzak polemika areagotzeko asmorik ez duela esan zuen, eta indarkeria «tinko eta sendo» gaitzesten jarraituko duela berretsi: «Ez diegu jaramonik egingo kritika horiei, eta indar guztiak baturiko ditugu ETaren aurka».

Imazen irudiko, hilketaren errudun bakarra ETA da: «Ez gara arerioz nahastu behar», ohartarazi zuen. Lehentasuna ETaren kontrako borroka dela gogorazi zuen.